

8. Í Eyjafirði innan línu, sem hugsast dregin frá nyrzta odda Hálshöfða vestan fjarðarins, þvert yfir um syðsta odda Hríseyjar, beina stefnu yfir í Svinárnes.
9. Á 3ja mílna belti kringum Grímsey miðað við strandlengju eyjarinnar.
10. Á tímabilinu 15. júní til 31. ágúst n. k. á innanverðum Skjálfanda innan línu, sem hugsast dregin úr Brikurskeri við vestanverðan flóann um Lundey í Stór- höfða við austanverðan flóann.
11. Á tímabilinu 15. júní til 31. ágúst n. k. á innanverðum Axarfirði innan línu, sem hugsast dregin úr Gerðibrekkuhaus að vestan í Grímshafnartanga að austan.
12. Á tímabilinu 1. september til 31. október n. k. á innanverðum Axarfirði innan línu, sem hugsast dregin úr ós Naustár að sunnan í Grímshafnartanga að norðan.
13. Í Axarfirði innan línu, sem hugsast dregin úr Leirhafnartanga að sunnan í Grjót- nes að norðan.
14. Á svæði innan línu, sem hugsast dregin frá Ásmundarstaðarey norðan Raufar- hafnar í Melrakknes.
15. Í Þistilfirði innan línu, sem hugsast dregin úr Rakkanesi vestan fjarðarins í Grenjanes austan hans.

Bátum, sem skráðir eru og gerðir hafa verið út frá verstöðvum á hinum leyfðu veiðisvæðum fyrir Norðurlandi, verður einum veitt leyfi til að veiða á þeim svæðum, en hins vegar verða þeim ekki leyfðar dragnótaveiðar annars staðar innan fiskveiði- landhelginnar.

*Sjávarútvegsmálaráðuneytið, 13. júní 1968.*

## AUGLÝSING

### um umferð í Egilsstaðakauptúni.

Eftir heimild í 2. mgr. 65. gr. umferðarlaga nr. 40 1968 og að fengnum tillögum hreppsnefndar Egilsstaðahrepps, hefur eftirfarandi verið ákveðið varðandi umferð í Egilsstaðakauptúni:

1. Biðskyldumerki verða sett við þessar götur, gagnvart Fagradalsbraut, þ. e. Lagarás, Selás, Skógarlönd, Kaupvang, óskírða götu neðan við Símsstöð og Egils- staðaveg.
2. Biðskyldumerki verða sett við þessar götur gagnvart Selási, Skjólbrekku, Lagarás og Laufás. Einnig við götuna Lómatjörn gagnvart Skógarlöndum.
3. Bílastöður verða bannaðar báðum megin Skjólbrekku, og allur akstur bann- aður á efri hluta götunnar á milli Lómatjarnar og Laufáss.

Umferðarmerki verða sett upp í samræmi við auglýsingu þessa.

Þetta tilkynnist öllum, sem hlut eiga að máli.

*Lögreglustjórinn í Suður-Múlasýslu, 11. júní 1968.*

**Valtýr Guðmundsson.**